

"Бюджетті атқару жөніндегі уәкілетті органдардың бюджеттік есептілікті жасау және беру ережесін бекіту туралы" Қазақстан Республикасы Қаржы министрінің 2008 жылғы 30 желтоқсандағы № 644 бұйрығына өзгерістер енгізу туралы

Күшін жойған

Қазақстан Республикасы Қаржы министрінің 2011 жылғы 3 тамыздағы № 393 Бұйрығы. Қазақстан Республикасының Әділет министрлігінде 2011 жылғы 22 тамызда № 7135 болып енгізілді. Күші жойылды - Қазақстан Республикасы Қаржы министрінің 2014 жылғы 31 шілдедегі № 324 бұйрығымен

Ескерту. Күші жойылды - ҚР Қаржы министрінің 31.07.2014 № 324 бұйрығымен (алғашқы ресми жариялаған күнінен бастап он күнтізбелік күн өткеннен кейін қолданысқа енгізіледі).

Б Ұ Й Ы Р А М Ы Н :

1. «Бюджетті атқару жөніндегі уәкілетті органдардың бюджеттік есептілікті жасау және беру ережесін бекіту туралы» Қазақстан Республикасы Қаржы министрінің 2008 жылғы 30 желтоқсандағы № 644 (Нормативтік құқықтық кесімдерді мемлекеттік тіркеудің тізіліміне № 5489 болып тіркелген) бұйрығына мынадай өзгерістер енгізілсін:

көрсетілген бұйрықпен бекітілген Бюджетті атқару жөніндегі уәкілетті органдардың бюджеттік есептілікті жасау және беру ережесінде:

46-тармақтың 2) тармақшасы мынадай редакцияда жазылсын:

«2) облыс, республикалық маңызы бар қала, астана бюджетінің атқарылуы туралы толық көлемдегі жылдық есепті - онда бюджетке түсетін түсімдерді қамтитын жергілікті бюджеттің атқарылуы туралы есептің бөлімі бюджет түсімдерінің санаттарын, сыныптарын, кіші сыныптарын және сыныптама ерекшелігін, ал бюджеттің шығыстарын қамтитын есептің бөлімі функционалдық топтарды, функционалдық ішкі топтарды, бюджеттік бағдарламалар әкімшілерін, бағдарламаларды, кіші бағдарламаларды қамтуы тиіс толық көлемдегі электрондық деректер қоры түрінде есептіден кейінгі жылдың 10 ақпанынан кешіктірмей, сондай-ақ қағаз тасушыда осы Ереженің 7 және 8-тармақтарына сәйкес қалыптастырылған есептіден кейінгі жылдың 10 наурызға дейін.»;

48-тармақ мынадай редакцияда жазылсын:

«48. Ведомство мемлекеттік бюджеттің атқарылуы туралы есепті қалыптастыру үшін жауапты бюджетті атқару жөніндегі орталық уәкілетті органның құрылымдық бөлімшесіне мынаны ұсынады:

1) сыртқы қарыздар есебінен есепті кезеңнің соңғы айының кассалық

операцияларын есептемегендегі есепті айдағы республикалық бюджет көрсеткіштерінің атқарылуы туралы айлық есеп деректері - сыртқы қарыздар есебінен есепті кезеңнің соңғы айының кассалық операцияларын ескере отырып есептіден кейінгі айдың 3 күнінен кешіктірмей - электрондық дерек қоры түрінде және біріктірілген нысанда қағаз тасушыда есептіден кейінгі айдың 10 күнінен кешіктірмей ондағы бюджетке түсетін түсімдерді қамтитын республикалық бюджеттің атқарылуы туралы есептің бөлімі бюджет түсімдері сыныптамасы түсімдерінің санаттарын және сыныптарын ұстауы тиіс, ал бюджет шығыстарын қамтитын есептің бөлімдері бюджет шығыстары сыныптамасының функционалдық тобын және кіші тобын ұстауы тиіс.

Сыртқы қарыздар есебінен есепті кезеңнің соңғы айының кассалық операцияларын есепке алғанда есепті қаржы жылынан кейінгі келесі жылдың 1 қаңтарындағы жағдай бойынша республикалық бюджет көрсеткіштерінің атқарылуы туралы деректер Қазақстан Республикасы Үкіметінің республикалық бюджеттің атқарылуы туралы жылдық есебіне материалдарды талдау және дайындау үшін пайдаланылады.

2) есепті жылғы республикалық бюджет көрсеткіштерінің атқарылуы туралы, ведомствоның аумақтық бөлімшелерінің есептерінің және республикалық бюджеттік бағдарламалар әкімшілерінің бюджеттік есептілік деректерімен салыстырылған деректер - санаттар, сыныптар, кіші сыныптар және бюджет түсімдері сыныптарының ерекшеліктері, бюджеттік бағдарламалар, бағдарламалар, кіші бағдарламалар әкімшілері және бюджет шығыстары сыныптамасының ерекшеліктері бойынша бюджет түсімдерін және функционалдық топтар, функционалдық кіші топтар бойынша бюджет шығыстарын көрсете отырып электрондық дерек қоры түрінде және қағаз тасушыда есепті қаржы жылынан кейінгі жылдың 1 ақпанына дейін.»;

49-тармақтың бірінші абзацы мынадай редакцияда жазылсын:

«49. Жергілікті бюджеттер бойынша бюджеттік даму бағдарламаларының атқарылуы туралы айлық (жылдық) есепті заңды тұлғалардың жарғылық капиталын қалыптастыруға және арттыруға инвестициялық жобалар, концессиялық жобаларды бірлесе қаржыландыру, инвестициялар бойынша, сондай-ақ өзінің мазмұны бойынша бюджеттік инвестициялық жобаларды іске асыруға, концессиялық жобаларды бірлесе қаржыландыруға және «Басқалар» деген бөлімде көрсетілген заңды тұлғалардың жарғылық капиталдарын қалыптастыруға және ұлғайтуға бағытталған бюджеттік бағдарламаларға жатпайтын бюджеттік даму бағдарламалары бойынша қорытынды деректерді көрсете отырып, осы Ережеге 2-қосымшаға сәйкес нысан бойынша бюджетті атқару жөніндегі жергілікті уәкілетті органдар қалыптастырады.»;

82-тармақ мынадай редакцияда жазылсын:

«82. Жарты жылдық, 9 айға және өткен қаржы жылы үшін кредиторлық берешек туралы жедел есептің деректері бюджетті атқару жөніндегі уәкілетті органға бюджеттік бағдарламалардың әкімшісі есепті кезең үшін бюджеттік бағдарламаларды қаржыландыру жоспарының орындалуы туралы есепті бергеннен кейін нақтыланады және кредиторлық берешек туралы есеп қайта ж а с а л а д ы . » ;

83-тармақ мынадай редакцияда жазылсын:

«83. Бюджетті атқару жөніндегі орталық уәкілетті органның құзыреті шегінде мемлекеттік бюджеттің атқарылуына қызмет көрсетуді жүзеге асыратын ведомство және бюджетті атқару жөніндегі облыстың, республикалық маңызы бар қаланың, астананың жергілікті уәкілетті органдары жарты жылдық және 9 айға кредиторлық берешек туралы нақтыланған есептерді өткен қаржы жылы үшін есептіден кейінгі екінші айдың 20 күнінен кешіктірмей, жаңа қаржы жылының 1 қаңтарындағы жағдай бойынша – есепті қаржы жылының үшінші айының 1 күнінен кешіктірмей, бюджеттік бағдарламалардың әкімшілерінің теңгерімдерін есептеу баптары бойынша тиісті кезеңдерге есеп кредиторлық берешектің жағдайы туралы талдамалық деректермен бірге бюджетті атқару жөніндегі орталық уәкілетті органның құрылымдық бөлімшесіне береді.»;

95-тармақ мынадай редакцияда жазылсын:

«95. Жарты жылдық, 9 айға және өткен қаржы жылы үшін дебиторлық берешек туралы жедел есептің деректері бюджетті атқару жөніндегі уәкілетті органға бюджеттік бағдарламалардың әкімшісі есепті кезең үшін бюджеттік бағдарламаларды қаржыландыру жоспарының орындалуы туралы есепті бергеннен кейін нақтыланады және кредиторлық берешек туралы есеп қайта ж а с а л а д ы . » ;

96-тармақ мынадай редакцияда жазылсын:

«96. Бюджетті атқару жөніндегі орталық уәкілетті органның құзыреті шегінде мемлекеттік бюджеттің атқарылуына қызмет көрсетуді жүзеге асыратын ведомство және бюджетті атқару жөніндегі облыстың, республикалық маңызы бар қаланың, астананың бюджетті атқару жөніндегі жергілікті атқарушы органдары жарты жылдық және 9 айға дебиторлық берешек туралы нақтыланған есептерді өткен қаржы жылы үшін есептіден кейінгі екінші айдың 20 күнінен кешіктірмей, жаңа қаржы жылының 1 қаңтарындағы жағдай бойынша – есепті қаржы жылының үшінші айының 1 күнінен кешіктірмей, бюджеттік бағдарламалардың әкімшілерінің теңгерімдерін есептеу баптары бойынша тиісті кезеңдерге есеп дебиторлық берешектің жағдайы туралы талдамалық деректермен бірге бюджетті атқару жөніндегі орталық уәкілетті органның құрылымдық бөлімшесіне береді.»;

көрсетілген Ережеге 2-қосымшаның атауы мынадай редакцияда жазылсын:

«Бюджеттік даму бағдарламаларының атқарылуы туралы есеп»;
көрсетілген Ережеге 18-қосымшада:
реттік нөмірі 5.4-жолдың 2-бағанында «Түсімі» деген сөз «Өтелуі» деген
с ө з б е н а у ы с т ы р ы л с ы н .

2. Бюджет процесінің әдіснамасы департаменті (А.Н.Қалиева) осы бұйрықтың
Қазақстан Республикасы Әділет министрлігінде мемлекеттік тіркелуін және
ресми бұқаралық ақпарат құралдарында жариялануын заңнамада белгіленген
т ә р т і п п е н қ а м т а м а с ы з е т с і н .

3. Осы бұйрық оның Қазақстан Республикасы Әділет министрлігінде
мемлекеттік тіркелген күнінен бастап қолданысқа енгізіледі.

Министрінің м.а.

Б. Шолпанқұлов